



弘治十年至十三年

卅七

三



國權

丁巳弘治十年

正月朔上南郊

辛亥昏刻月犯畢宿

壬子大星隕寧夏中衛天鳴又鄜州星流天鳴

乙卯曉刻南京木星晝見

夜月犯鬼宿

丙辰曉刻火星犯木

鹽官談遷孺木著

戊午真定太原地震屯留尤甚屋瓦多傾
甲子金星晝見

己丑戴乾為試監察御史

尚膳監奉御趙瑄獻田開為東宮庄戶部執論下鎮撫獄巡撫

右副都御史高銓按獻縣雄縣等閑田止七十餘頃餘皆民業罪瑄

福建流盜劫奪都縣

戊辰榆林寧夏地震

己巳設太倉州領崇明縣

辛未高州地震有聲

二朔酉朔鎮守宣府總兵官右都督馬儀劾免

停官軍採青給民佃種徵租

甲戌大學士徐溥等請勤講親政并絕齋醮修煉之說從之

時太監李廣假修煉服食中外憂之故溥等言金石性酷烈

唐憲宗藥發致疾雖杖殺方士柳泌莫益今上清龍虎宮神

樂祖師殿番經殿皆火神如有靈何不自保願 陛下嚴早

朝之節復奏事之規勤講學之功優接下之禮遠邪佞而斥

誣妄太平可幾也 上是之

戊寅考察朝臣兩京堂上官免自陳翰林院講讀學士免考

宣府副總兵都指揮同知阮興為署都督僉事總兵官鎮守

道府

夜江西新城縣水電

甲申靜潭州陰德華亭縣地震

乙酉南京金星晝見夜朔祀靈臺上星

丁亥陝西鎮番衛地震聲如雷

己丑昏刻金星祀天陰星

庚寅巡撫鳳陽左副都御史李蕙以致仕六安知州羅山劉

鎰積穀十萬餘石且旌異特進階奉政大夫

壬辰軍府弋陽王觀鏢薨年四十五謚僖順

茂州地震有聲

癸巳旱災免大同去年田租有差

丙申河南修武縣黑氣墮地化為石

辛丑威州地震有聲

三月未夜月犯司怪星

戊申勅閣臣纂修會典

楊質嗣彰武伯楊瑾子

己酉雨土

辛亥災異諭修省

壬子甘肅總兵官左都督劉寧疾去副總兵都指揮彭清為都督僉事總兵官鎮守甘肅

二十數入甘肅

癸丑水旱免鳳陽淮安揚州滁去年田租有差

戊午安南國王黎灝入貢

己未戶部辦事進士孫磐請建言諸臣分四等彈劾權貴補拾闕遺建白時政粉飾文具第其上下為遷格報寢

辛酉土魯番復攻哈密不克

壬戌盛哈人以傷殘盡焚其居詣肅州求濟命給牛羊穀種

癸亥繫內官何鼎進太監楊鵬戴義司禮監刑科都給事中龐洋御史黃山等言鼎素著狂直宜賜優容鵬行事乖違義

得罪先朝宜斥免上曰內事爾等何與聞切責之各停

俸六月時外戚張氏驕寵甚鶴齡延齡出入宮禁無忌上

嘗飲之起如廁除冠戲尚冠者又倚酒污宮人鼎心忿之一

日舉窺御帷鼎持大爪箠之皇后聞而怒頃之鼎極言

祖宗法度外人不得妄入宮禁近外戚觀燈禁城無所忌畏

事在必懲且言上若用臣必有以報下錦衣掠治究所主

曰注者二人但不可執而按之耳曰姑言曰一姓孔一姓孟
甲子經筵畢召大學士徐溥等面議章奏裁答或更定或刪
句山西巡撫疏欲逮副總兵溥等曰此事輕重遠都指揮以下
可也上然之餘皆應手疾書召問始於此
丁卯禮部主事李昆跌救何鼎報聞
北通州大水電

庚午增貴州黃平普市二千戶所

新脩鹵簿大駕成

四 丙亥晉世子奇源薨年四十八謚靖和弘治癸亥追封晉王

代府靈丘王成毅薨年四十一謚莊和

丙子太子少保吏部尚書屠滸滿九年考進太子太保

己卯雍王婚吳氏

庚辰南京考察吏部郎中莊景等罷謫有差

癸未戶部尚書周經等申救何鼎不聽太監李廣竟迎中

宮意杖鼎死之後於禁中曳銅缸作聲若稱冤者上亦感

悟特命勒碑以祭

丙戌霜災免太原平陽田租有差

丁亥禮科左給事中葉紳等上八事御經筵道初政禁傳奉

太監李廣傳歷千斤異端李廣修息工役遵祖訓黜不職
戶王英指揮等尚書徐瓊童軒侯瓚侍郎鄭紀太常卿崔志端李温少卿布
自雲沈瑜孫繩通政吳裕陳琬徐說少卿趙竑侍郎王宗彝
都御史劉燾去大奸大罪李廣報聞

戊子王璟王經王啟蕭淵任漢羅列杜啟立經趙俊李嶽為
南京監察御史

昏刻南京見大星自軫宿流西北二小星隨之

己丑入大同雲川衛

戊戌雷傾宣府西橫嶺三十餘丈

辛丑星隕大同陽和衛又火星隕阜平

五癸卯翰林檢討范兆祥言君后分主陰陽引紀伯姬叔姬以

諷上怒下錦衣獄贖杖還職

丁未安南貢使黎峻卒會同館賜祭歸其喪

己酉唐府新野王彌錫薨年四十五謚宣懿

庚戌大學士徐溥乞休命風雨大寒暑免朝

甲寅夜月犯東咸星

己未錦衣衛指揮使劉良卒

辛酉南京國子祭酒李傑服除改太常寺少卿兼翰林院侍

讀學士

癸亥熊懷服除仍南京刑部右侍郎

丁卯翰林院庶吉士汪俊為編修

曉刻月犯天廩星

戊辰曲靖衛知事李晟為都察院照磨從總兵神英贊畫

寇潮河川把總指揮王玉等禦之追至泉水灣中伏玉僅

免指揮劉欽等死之

十迫大同命平江伯陳銳總兵太監楊穆監督莊鑑馬升為

左右叅將待征

庚午山西清涼縣地震聲如雷

六朝未朔南京吏部尚書倪岳工脩省二十事法 祖宗謹好

尚併差遣 應天織造責守備官恤軍民罷工作選武將嚴操

江防要害 蘇杭織造責巡撫官 減添設積邊備均吏役處軍糧禁奸弊定

輸納省淹禁寬貧囚清軍丁審營繕廣言路 上從之

甲戌宣府懷來衛地震

乙亥海豐縣地震聲如雷果日止

丙子金星晝見

己卯戶部左侍郎劉大夏兵部左侍郎李介俱兼左僉都御

史徃宣大整飭兵糧

夜月犯氐宿

壬午夜月犯南斗杓

乙酉夜月食

辛卯邊警禁京城訛言

壬辰定文官贈廕祭葬例

己未贛州及上猶縣地震有聲

己亥軍王觀鈞薨年四十九謚曰康

賜平江伯陳瑄祠曰恭襄

七 癸卯遠府沅陵王恩鈺薨年三十八謚宣穆

太僕寺少卿張九功卒陝州人成化十四年進士授給事中

己巳泰寧福餘以患不入貢命署都指揮同知王杲駐永

平游擊將軍白琮分守燕河營發游兵三千駐建昌留薊州

楊玉以京兵三千駐永平備等京標兵暫駐永平又都督

丙午吏部郎中儲燿為太僕寺少卿

大同告急暫免軍士採青

丁未南京右通政焦芳改太常寺少卿兼翰林侍講學士

辛亥英廟成妃張氏薨謚恭僖

福建興化大風拔木

癸丑中府都督同知王清封崇善伯世爵錦衣衛指揮使王濬為右府右都督清濬皆皇太后弟

談遷曰昔劉吉阻封張氏欲盡爵周王二家子弟孝皇嘆焉其後王氏果盡爵張延齡得並封退奸之勇納諫之公蓋薰之矣

增廣高惠潮肇慶捕盜通判

丙辰南京工部尚書侯瓚致仕

己未設貴州鎮遠縣流官原鎮遠金容金連長官司土官何

乙丑曉刻月犯井宿

丙寅太原譙樓獸吻出青白烟高二尺餘匝月乃散

丁卯曉刻月犯鬼宿

八月未兩廣總督右都御史鄧廷瓚為左都御史總督漕運左

副都御史李蕙為右都御史南京刑部右侍郎蕭禎為南京

工部尚書巡撫陝西右副都御史許進為戶部右侍郎廷瓚

蕙仍總督

太常寺丞馮宗遠為少卿樂舞生

甲戌南京金星晝見

乙亥巡撫山東右僉都御史熊翀改陝西進左副都御史順

天府尹張玉為右副都御史巡撫遼東
傳陞太常寺典簿趙繼宗協律郎王福廣為寺丞道士

戊寅浙江右布政使張憲為順天府尹

己卯何鑑服除補右副都御史巡撫山東

庚辰賑鄆州水災

辛巳夜月犯壘壁陣四星

壬午南京壽星見

癸未金星晝見

癸巳昏刻南京客星見天廡星旁

九朝丑提督京通倉場戶部左侍郎王繼秩滿進尚書

癸卯入陝西鎮番衛

乙巳賑濟兗青登萊水災蓬萊黃縣大疫

昏刻月犯建星

大星隕於永平天鳴

南城人萬軌販海客暹羅以通事屢入京乞還里仍役京師

命原籍冠帶閑住

丁未前巡撫遼東右副都御史彭誼卒誼東莞人貢士授工

部司務嘗抗論尚書曲直遷御史治水平盜廢右倉都御史

提督紫荊等閩忤權左遷紹興守多惠政後撫遠教逐建
立多可法早退家居二十餘年誼好古博學臨事能斷
已酉魯府安丘王當遂母喪乞廬墓止之

祀漢北地王諱於昭烈廟側巡按御史榮華言之
壬子兵部尚書馬文升子玠為徽王所奏擬絞宥之

暹羅國王國隆勃刺略坤息利兀地亞入貢表不能譯徵廣

東人增暹羅館通事

戊午減光祿寺供用品物

庚申旱災免延安慶陽夏稅

辛酉先是盜據思明上石下石復害知府黃道事聞下總督

議

乙丑犯宣府

昏刻土星犯壘壁西星

丙寅曲阜妖人孔布事急攻入定遠

入莊浪紅城子堡

十月庚午賑成都水災

青神知縣楊璠水死給葬

辛未免九江衛屯租

曉刻金星犯左執法

壬申錄于冕子允忠世杭州衛副千戶冕陳先臣謙軍功冕

亡子嗣新安衛千戶明次子允忠

萊州星隕天鳴

癸酉延安慶陽災傷命陝西河南山西開納贖罪

復山西行太僕寺丞

甲戌南京翰林侍讀學士曾彥致仕

巡撫應天右副都御史朱瑄予告

江西左布政使祁順卒順 人天順庚辰進士授兵部主

事廢戶部郎中成化乙未使朝鮮學問該博沒無贏金

永平地震聲如雷夜月犯羅堰下星

丙子改湖廣按察水利僉事為上荆南兵備道

丁丑暫免宣府軍士採青

前署鴻臚寺事禮部左侍郎楊宣卒 直隸新城人景泰五年進士

戊寅晉府交城王鍾鏞薨年六十一謚莊僖

己卯指揮僉事沐崑嗣黔國公總兵鎮守雲南

永平地震復震

庚辰易州山廠工部右侍郎彭禮為右副都御史巡撫蘇松

兼總理糧儲
壬午鬻兩淮鹽九十萬引供餉宣府

夜月犯天囷南星

乙酉翰林侍讀馬廷用為南京侍讀學士

起左都御史王越總制甘涼各邊兼巡撫進太子太保召巡

撫甘肅都御史吳珉

夜月犯天關星

丙戌立揚州江口關

丁亥旱災免順天田租有差

戊子賜真人王應禱陳應楨劉良輔陳宗然詔印

夜月犯鬼宿

己丑故少保兼吏部尚書謹身殿大學士王文贈太保謚毅

愍

辛卯選禁兵

十月戌戌朔南京禮部尚書童軒致仕

賑成都保寧順慶叙州

庚子土魯番阿黑麻歸哈密忠順王陝巴乞通貢下兵部責

真正番書議陝巴去住

癸卯刑部左侍郎謝綬為南京禮部尚書

甲辰前入薊州龍洞谷關

丁未張錦服除仍刑部左侍郎

己酉劾雲南巡撫等協贊黔國公沐崑每事酌議仍諭崑親

賢進學母墜前烈

庚戌請工部主事盛應期雲南安寧驛丞范璋呂合驛丞應

期管濟寧等開墾管衛河舡以南京內臣誣其阻薦新逮獄

擬贖還職特請之

辛亥太監李廣請預作明年元節煙火工部特之命減三之

甲子傳制封寵受連王祐於鄭王見渚真丘王祐禪襄邑王

安瀾邵陵王安瀾東陽王安瀾東會王安瀾臨湍王考泥南

安王表櫬義寧王哥渲雲丘王誠洌沂陽王秉樞永壽王誠

漆保安王宸澮宜春王

乙丑設湖廣保康縣隸鄖陽

應天府尹高啟卒崑山人成化八年進士

丙寅進士周璽徐昂熊偉女洪周鼎鄒軒尚衡為給事中
十辰戊辰朔曉刻金星犯東咸星

庚午，劫赤斤衛部落撫夷百戶劉連擊破之斬九級
壬申先是廣西徭獠流劫化州茂名石城官軍擊斬八級殺
良民幾三千人淫掠亾筭治其罪有差

癸酉脩大同邊垣

乙亥增韶州捕盜通判

己卯慶王寘薨年三十三謚曰恭

定士官陞賞如長官陞宣撫知州陞知府仍故署毋易

庚辰河南左布政使周季麟為右副都御史巡撫甘肅

辛巳安定王干奔入貢

癸未夜月食月犯鬼宿

乙酉壽王婚徐氏

戊子李裕中為南京監察御史

己丑欽天監正吳昊加太常寺少卿

禮部祠祭郎中王雲鳳下錦衣獄雲鳳嘗言事激切不報至

是上視郊牲雲鳳駕後來馬被糾謫陝州知州

庚寅復萬貴妃姪喜錦衣千戶達百戶

癸巳陝西右布政使韓重為應天府尹

增山西寧武關守禦千戶所

戊午弘治十一年

正朔戊經略大同兵部左侍郎兼左僉都御史李介卒 高舉人

成化五年進士贈尚書

丙午昏刻月犯畢宿

丁未上南郊

戊申寧夏中衛地震有聲

丁巳兵部右侍郎王宗彞為左侍郎左副都御史楊謚為兵

部右侍郎

庚申苗賊犯靖州

陳士元曰議者言彬靖二州緊邇蠻落故不以屬郡而直

隸藩司蓋罷以事權彈壓荒徼為邊氓計也顧二州去藩

司千餘里歲時建白例必得請然後按章行之藉令撫禦

機宜暗於眉睫必俟報可始得舉詎無失時之慮乎誠假

之專斷弗求以格例非獨陽守令便也即事功可覈成矣

辛酉定遠妖人楊潮等伏誅

壬戌翁理蔣昇為南京監察御史

癸亥右僉都御史陳紀為右副都御史

肅州流星大如室聲如雷良久滅

申子大理寺左少卿王嵩為右副都御史巡撫延綏
宣城伯衛穎卒

二月朔寧夏西路地震有聲

己巳南京右僉都御史顧佐為左僉都御史

小王子求六千人入貢許二千人入關五百人入京

辛未錄湖廣左布政使陶魯功廕子荆民百戶

甲戌提督鴈門等關右僉都御史侯恂為南京左僉都御史

鎮守貴州右都督王通疾去

丁丑定南京內府庫藏十年科道遺數

戊寅東寧伯焦俊鎮守貴州

己卯南京大理寺右寺丞魏紳為右僉都御史提督鴈門等

關兼巡撫山西

巡撫遼東右都御史張岫劾免

辛巳旱災免太原平陽澤潞汾去年夏稅有差

壬午山西左叅政張海辛海德州人成化丙戌進士前以兵

部左侍郎使哈密

乙酉前南京禮部尚書章軒卒軒鄱陽人景泰辛未進士授
南京給事中歷太常少卿署欽天監十年致仕弘治初起太
常寺卿仍署監轉右副都御史迄尚書清介博覽善詩翰兼
精天學

南京壽星見

丁亥衛輝地震有聲

甲午太常寺卿兼翰林侍講學士程敏政翰林院侍講學士
楊守卮左春坊左諭德李旻司經局洗馬梁儲東宮侍班太
常寺少卿兼翰林侍讀學士李傑焦芳侍讀學士兼左諭德

王鏊右諭德王華洗馬楊傑侍讀劉機江淵白鉞侍講武衛
左中允楊廷和張天瑞左贊善費宏直講讀編脩兼校書吳
儼蘄貴禮部員外郎兼正字周文通大理寺右寺副兼正字
劉棻俱保直

程敏政為詹事兼翰林院學士王鏊為少詹事兼侍讀學士
丙申進徐溥^{大學士}少師兼太子太師華蓋殿大學士劉健少傅兼
太子太傅戶部尚書謹身殿大學士李東陽太子少保禮部
尚書兼^{文淵閣}大學士謝遷太子少保兵部尚書兼東閣大學
士太子太保兵部尚書馬文升進少傅兼太子太

保吏部尚書屠滸進太子太傅太子少保刑部尚書白昂進
太子太保戶部尚書周經禮部尚書徐瓊工部尚書徐貫左
都御史閔珪俱進太子少保
進太師英國公張懋柱國太保新寧伯譚祐平江伯陳銳俱
太傅太子太保遂安伯陳韶成山伯王鏞俱太子太傅寧晉
伯劉福太子太保

湖廣左布政使兼廣東兵備副使陶魯卒魯字自強鬱林人
父成殉處州賊詹魯新會丞韓雍檄討賊選銳五百人戰無
不克歷湖廣左布政使專沉謀能斷不專武先後督府韓雍

鄧廷瓚皆倚成功撫治兩廣幾四十年行兵、不先知或先
半載調械餉多疑兵調發多寡無常數惟檄而署曰某封某
日某時發及發乃知進兵即數路如期進賊亦不及備而殪
嘗宴客樽俎未徹捷已至坐客驚駭諸蠻仇之毀先墓戕其
宗遂僞南海魯欲開高州水道通肇慶坐忌不果捕賊二萬
一千四百有奇脫男婦十三萬七千有奇子荆民世錦衣副
千戶

談遷曰陶魯之才長於行間其用兵不以衆而以寡選十
萬之衆得百鈞之士五百人誓制諸蠻威行南徼其起家

任子耳非韓襄毅拔之汨沒斗食終無以自見矣同省吾
邑孫璋布衣薦授丞丞亦值襄毅討賊累功歷山東
參政個儻非常之倫必格外相賞世之為陶魯孫璋當不
乏也誰為襄毅其人哉噫

三月亥皇太子出閣就學

辛丑旱災免西安延安去年田租有差

壬寅夜月犯天關星

甲辰崇信伯費淮卒

乙巳犯遼東寧遠

夜月犯精戶氣星

丙午犯肅州

庚戌子備鮎魚石等關營都知監奉御羅紉縱卒採塞外木

被殺下紉御史擬戍工不問徵還

辛亥夜月犯亢宿

甲寅故代府武邑王聰沐薨聰沐嘗有罪奪爵年三十五謚

懷隱後追封代王謚曰思

乙卯定內外官朝見藩王禮凡郡王親王同城朝使止朝親

王各城則朝郡王外官亦然其朝謁稱官不稱臣

癸亥唐事程敏政為禮部右侍郎仍兼翰林院學士署唐事

四期辰壽州及汝陽各冰雹

福建興化大雨冰壞居人亡筭

庚午巡撫順天右副都御史張淮卒襄城人成化五年進士

甲戌旱災免淮安徐邳去年夏稅

庚辰福建左布政使洪鍾為右副都御史整飭薊州邊備兼

巡撫順天

辛巳曉刻雨土

癸未遼府松滋王豪重薨年六十六謚靖簡

前巡撫四川右僉都御史丘鹵卒貴溪人景泰五年進士

丙戌南京工部右侍郎徐恪致仕

丁亥吏部右侍郎秦民悅服除改左副都御史

己丑南京木星晝見

壬辰寧夏地震有聲

癸巳巡撫湖廣右副都御史沈暉為南京工部右侍郎

五月丙浙江左布政使閻仲宇為右副都御史巡撫湖廣

己亥英國公張懋等吏部尚書屠滂等言頃歲脩壽安欽安

宮立毓秀亭脩神樂觀太倉城樓及外戚賜宅近又興濟縣
建真武祠三軍壯氣耗於轉輸之勤萬民膏血浪為土木之
飾又造織金綵粧閔色諸羅段紗絨價不下百萬奇巧靡麗
皆宜停止上納之

庚子寧夏地震有聲

辛丑鎮守遼東太監任良等奏廣寧邊墻以磚易土糜堅久
從之

壬寅襄城伯李黼卒

甲辰戶部尚書周經以浙鹽二萬引付太監韓義麥秀織羅

殿勞民費財有旨令歲外第歲給五千引

乙巳伯顏猛可等入貢

旌晉府鎮國將軍鍾鈇孝行

丁未巡撫甘肅右副都御史吳珉回南院

戊申教百騎近肅州右叅將楊翥追至黑山兵備副使李

吳合戰再敗之斬四級

夜月犯鍵閉星復犯怪星

辛亥故武邑王聰深子俊杖襲封代王

壬子盜入夏邑縣殺典史劉灝

乙卯復衍聖公孔弘緒冠帶閑任

寧夏地震有聲

己未肅州天鼓鳴

庚申鄭府宜章王見洲薨年二十三謚懷順

岷府黎山王膺鈔薨年四十二謚安懿

曉刻月犯天囷西星

辛酉雨雹

乙丑衛瑋嗣宣城伯衛穎子

六期辰入宣府獨石馬營

前南京戶部左侍郎李益卒長安人景泰五年進士居官廉

癸酉犯古浪莊浪永昌山丹

乙亥貴州旱大火

丙子桂林周道與園地陷九穴

松江嘉興潮溢

丁丑前右僉都御史魏富改南京大理寺左少卿

己卯夜月食

庚辰秦王誠泳薨年四十一性孝友恭慎好學工詩作正學

書院蠲租所著小鳴稿世德錄謚曰簡

訪故翰林學士沈度孫世隆授制勅房中書舍人 上好度

書

辛巳蘇州歲祀宋儒魏了翁於鶴山書院

己丑遼府宜城王豪於慶年 十 謚榮僖

庚寅前鎮守貴州都督僉事彭倫卒

壬辰曉刻月犯井宿

七 辛丑 犯宣府

定通政司五月至七月日引奏五事餘月日七事

壬寅增瑞州通判捕盜

癸卯肅州衛天鼓鳴夜月犯東咸星

己酉總制太子太保左都御史王越襲魁賀蘭山後 自寧

夏分道延綏副總兵都指揮同知彭清朱瑾兵二千出南路

寧夏鎮守太監張佃總兵官都督同知李俊兵二千出中路

副總兵都指揮使張安監槍右監丞郝善兵二千出北路張

安郝善分二哨北哨行五十里至花果園擊斬十二級南哨

至蒲草溝 棄畜產而遁擊斬七人合兵至大把都斬十級

暮薄斬十一級是役也安善功最進越少保兼太子太傅餘

陞賞有差

費柱嗣崇信伯費淮子

壬子管河工部員外郎謝緝言黃河一支引沁水入運河出徐州小浮橋比來河決從歸德勢將牽沁水俱南徐呂二洪必涸宜隄歸德決處遏河入徐仍行管河官於沁水滌淤因潰不令黃河泛引而他流廣水道深廣便漕命下所司經度癸丑南京天鳴

丙辰太原地震有聲

丁巳入密雲古北口

庚申夜月犯天鐸星

辛酉直閣太僕寺少卿姜立綱卒立綱瑞安人幼能書隸翰

林院授中書舍人書法重一時賜祭葬

壬戌祀宋慈元皇后楊氏於廣州及丞相陸秀夫先是布右

政使劉大夏立厓山大忠祠新會知縣沈章又言之

南京浙江道監察御史萬祥言兩廣賊不難於征惟難於守往年征進賊聞風先走及軍到巢草深糧盡纔聞軍退賊即行劫今欲成功當先蓄糧九月霜降刻期進取明年二月將賊村牛穀種立軍充餉且耕且守過來秋霜降仍復行事三年之後可無後患下兵部從之

大同雷電壞稼

癸亥少師兼太子太師吏部尚書華蓋殿大學士徐溥致仕

八甲子朔丁犯遼東寧遠守備都指揮王臣追至分水嶺敗死

丙寅前總督兩廣右都御史宋昊卒淳安人景泰二年進士性清約非治劇才

宣府保安衛地震有聲

丁卯設廣東新寧縣隸廣州

壬申台州天鼓鳴

甲戌盜劫柘源縣

乙亥夜月犯奎宿

戊寅萬全都司帶俸都督僉事江山卒浙江西安人

樂陵妖僧洪海以迷藥殺人伏誅

癸未賑祥符河災

甲申木星晝見

乙酉曉刻月犯畢宿

丁亥夜月犯井宿

己丑南京壽星見

九甲午朔總制王越請陝已復王哈密從之

丁酉昏刻月犯西咸星

庚子夜月犯木星

壬寅時右少監莫英太監宋玉劉璟監督京倉戶部尚書周經等言生一事則有一事之害增一官則有一官之費上不聽

戊申壽王祐楮之國保寧

己酉皇女太康公主薨

辛亥大入遼東寧遠

南京左僉都御史侯恂右副都御史吳珉爭公廨被劾俱免壬子通政司使元子直為禮部左侍郎仍署司事右通政高

祿為通政使

乙卯翰林檢討張顯范兆祥為涇府左右長史

夜月犯天鐸星

己未大理寺左少卿陳璠為南京左僉都御史

十丙寅兵部尚書馬文升請止營車工役工納之

戊辰翰林院庶吉士濮韶陳霽葉德曾詠為編修汪偉王九

思劉瑞為檢討陳誥華景楊禔張弘至徐忱陶諧為給事中

顧潛胡獻陳琳為試監察御史

南京戶部尚書秦紘致仕

庚午戶部左侍郎劉大夏致仕

前通政司左通政張璜卒滑縣人成化十三年進士

辛未昏刻金星犯天江星

壬申曉刻大星自東北流東南小星數十隨之

甲戌夜乾清坤寧宮災

乙亥曉刻遣諭閣臣火災朕侍太皇太后徹旦不寐欲暫

免朝可乎時劉健往西山李東陽謝遷對如音乃免朝

丙子大學士劉健等言災異頻仍大火尤甚或以齋醮祈禱

為弭災此邪妄褻天或以縱囚釋罪為脩德此姑息長惡向

來奸佞熒惑聖聰今進賢斥奸明示賞罰當行之事斷在不

疑毋更因循以貽後患上納之

太監李廣自殺廣以方術幸時萬歲山立毓秀亭謂禁忌及

公主殤清寧災太皇太后怒廣懼欲鴆死

丁丑戶部右侍郎許進為左侍郎總督南京糧儲右副都御

史李東陽為戶部右侍郎

戊寅南京吏部右侍郎梁璟為南京戶部尚書

庚辰曉刻月犯天閭星

辛巳翰林侍讀學士楊守阯為南京吏部左侍郎

刑科都給事中張朝用等劾內官監太監李廣招權納賄之
罪御史立天祐等亦言之命指實以聞

金星晝見

夜月犯鬼宿

癸未巡撫雲南貴州右副都御史張誥張彞俱劾罷巡撫寧
夏右僉都御史張禎叔調遼東苑馬寺少卿

司設監太監蔡昭請李廣祭墓祠額許之閣臣言其不可命
止予祭

談遷曰

英宗悟王振之敗而仍祠之

孝宗知李廣之

汰而仍祭之覆轍已著猶邀殊典况夫溺寵未改欲冀日

月之明得手哉

江西左布政使陳瑗為右副都御史總督南京糧儲

乙酉初中使至李廣私第得其賄籍某餉黃米若干石某白
朱若干石上曰安耳吾嘗至廣第庾中粟不至是左右為
言金銀隱語也工怒中外不得其籍多臆指未報吏部員
外郎張綵請按籍治罪大臣許自免章下所司

談遷曰黃白之說其弊不知所始縉紳習久恬不自報嘗
見貢俸若干石貢役若干名在當事直曰例固爾也於乎

毛玠胡威之風邈矣酌貪泉而見金夫獨嘆彼佞闇何哉
丙戌荆府都昌王祐鶴薨年十九謚悼僖

丁亥諭脩省求直言

罷寧夏總兵官都督同知李俊延綏總兵官都督僉事陳輝
宣府總兵官署都督僉事阮興

免明年元夕烟火

夜月祀內屏星

戊子河南山東左布政使王珣李士實巡撫山東右僉都御
史錢鉞並右副都御史珣士實鉞巡撫寧夏雲南貴州

旱災免順天廣平順德河間保定夏稅有差

辛卯遣勳臣告災於天地廟社山川

翰林編脩羅玘言李廣賄籍是且悉寘之法痛斷根株為將

來戒然其間或部寺之尊或將帥之寄天下望以丙魏姬宋

方召衛霍一旦指其名而暴其惡則雖實有丙魏姬宋之徒

方召衛霍之輩彼亦不復信矣此大可憂也乞陛下免言

官指名惟諭之各自稱疾引退或京察黜數十人陽若不知

陰加重譴章下所司時言官指黨賄攻保國公朱暉恭順侯

吳鑑豐城侯李璽遂安伯陳詔成山伯王鏞寧晉伯劉福都

督孫貴副總兵朱瑾尚書屠濬周經徐瓊白昂徐貫侍郎程
敏政王宗彛史琳林鳳都御史王起李蕙彭禮錢鉞陳瑗劉
憲通政叅議姜清太常寺卿崔志端李溫少卿李傑布自雲
寺丞王福廣太僕寺卿琮宋少卿楊瑛署通政司侍郎元守
直署鴻臚寺少卿賈斌光祿寺少卿趙玘順天府丞簡琦南
京戶部侍郎鄭紀太常寺卿呂憲通政使徐說少卿魏富祭
酒劉震太常寺丞黃輔政河南左右叅政張琚李瓚山東右
叅政謝文 按察使趙鶴齡副使田瀟鄧光輔 工雖不問
而諸臣震恐夜求解於壽寧侯張鶴齡月下俄頃與集者十

三人傳笑中外羅紀疏入南京

科給事中楊熹以紀嘗客

太監蕭敬所故市誦報聞

壬辰右副都御史陳紀予告

錦衣衛指揮僉事周玉樂工劉實等下錦衣衛獄玉厨役俱

媚李廣通賄

是月復徵翰林檢討陳獻章中書舍人王文汶距京五十里
卒於舟汶禱魯孫稔之子成化戊戌進士謝病歸讀書不仕
鄉人稱齊山先生年五十七

十月癸巳朔左府都督僉事莊鑑鎮守宣府福建都指揮僉事

房驥為署都督僉事鎮守寧夏

乙未曉刻大星犯亢宿

丙申刑部左侍郎張錦予告

己亥周王同鏡薨年五十一謚曰惠

壬寅江西布政司右叅議孫儒分守嶺北懼盜引疾輒行削

籍

甲辰夜月犯天園星

丁未夜月犯六諸王星

戊申刑部右侍郎屠勳為左侍郎巡撫河南左副都御史陳

道為刑部右侍郎

夜月犯井宿錢星

壬子四川左布政使鄭齡為右副都御史巡撫河南

英國公張懋等吏部尚書屠瀟等應詔上三十四事議受封

惜名器定冊封裁冗員清鹽法革冗官省工作罷織造禁奢

靡革濫設京通二倉各馬牛羊房內府正贍犯防奸偽差官

給精微批錦衣衛官止齋醮舊制問刑衙門不節位用祿

校不許仍費駕帖房變賣草禁暴官蘇民困明禁例外官員

膳供省供給場召佃徵子粒禁暴官蘇民困明禁例外官員

車莊照例應惜漕卒獎恬退均民差恤官軍便商稅停派辦
付不許自討添監收禁通事憫因徒祛民害禁科欵省差官復舊例省濫

選兼抽分管通倉御史兼上納之

暫免陝西織造羊絨蠶歲通物料

乙卯裁傳陞匠官六十八人

丁巳遼東寧遠衛星隕聲如雷

己未塞河南決口

閏十一月壬戌朔日食

乙丑昏刻月犯壘壁陣四星

丙寅通政司右叅議李浩奏事偶奸被糾不問仍諭通政鴻

臚官奏舛一二字免劾

丁卯旱灾免廣潮肇慶今年田租有差

己巳翰林院庶吉士吳舜戴銑為吏兵科給事中

辛未夜月犯天囷星

癸酉通政司左通政陳琬為工部右侍郎理易州山廠

乙亥廣西道監察御史胡獻以劾太監韋泰壽寧侯張鶴齡

下獄謫藍山縣丞

丙子大同總兵官都督神英鎮守太監孫振劾免調巡撫都御史劉燾

丁丑安南國王黎灝卒子暉嗣僭元景統謚灝聖宗淳皇帝
遣陪臣范興文來告哀滿琮請封遂入貢命行人徐鉉往祭
夜月食竟不食署欽天監太常少卿吳昊等被劾不問
犯遼東懿路城

壬午後府都督僉事王璽總兵鎮守大同
癸未陝西左布政使洪漢為右副都御史巡撫大同

後府帶俸都督同知虞深卒

乙酉兵部主事何孟春上言一事果聽斷公委任慎選守令
處置巡撫重惜名器存恤小民革皇莊蕪併之弊更軍政清
解之法章下所司

己丑左府署都督僉事鎮守延綏總兵官房驥卒世彭城衛
指揮使任

十月壬辰朔總制邊務少保兼太子太傅左都御史王越卒越

字世昌濬人景泰辛未進士授御史擢山東按察使右副都

御史巡撫大同數逐至左都御史搗紅鹽池斬三百五十
餘級進太子少保回院改兵部尚書太子太保同太監汪直
搗威寧海子功封威寧伯仍署院已署前府提督五軍營尋
總兵鎮大同改延綏直敗被劾褫爵流安陸弘治初釋久之

起總制越奇邁聰慧御軍能恤下籠罩豪傑皆願為之死然
不復持名檢左西陲偶大雪宴坐地爐使四妓奏琵琶于戶
某調還召語曰寒矣手金卮飲之復語則益喜命絃琵琶
侑酒併金卮予之已又語則指最艷妓予之自是于戶效死
力嘗與保國公朱永以千人巡邊猝至主客不當永欲死
走越止之為陣列自固疑未敢前薄矣令騎皆下馬啣枚
魚貫行毋反顧自率驍勇殿從山後走五十里抵城一不覺
明日語永曰我一動一躡擊無唯類矣結陣示暇形以惑之
也次第而行且下馬無軍聲故一不覺也吾非不自危姑矯

情鎮耳越真良將才又精吏事判案草奏口占授吏曲當理
情為詩跌宕快爽能道人中意事在院舉御史屠瀟侶鍾楊守
隨王濬可大用後皆著名

史臣曰越慨慷自許事一見即決以膺帥寄凡邊徼險易
情真偽將士強弱歷在胸臆遇敵意度安閑計定而
後發顛倒才智中自為操縱而人樂為之用其所拔擢後
往多為名將賦詩屬文章奏判案雖倉卒立就俊逸可
觀但急於功利自負其才至破崖岍為之中多機變人莫
能測坐是為士論所非然河套賀蘭之捷實有功於邊論

者槩指為開釁生事亦過矣自後守邊出帥者多庸懦無能而冒功費財者滋甚求如越比蓋亦難其人焉
崔銑曰少聞世昌文武大略比入翰林人多言其任術不足教及脩泰陵實錄得見國史知其塞上功甚偉世昌姿表奇邁慷慨自許論議英發見事風生久膺帥寄歷西

北諸鎮身經十餘戰其於邊徼險易一情真偽將事勢定諸胸臆覈如指掌出奇取捷慮成發中顛倒才智柔馴辨強皆樂為之用效之者皆自以為不及

王世貞曰當越時天下咸貴其才而穢其行夫以越之阿私中人啟邊釁耗國本即有功細不掩罪何貴哉然至於今西北邊稱良將毋如越者楊一清王瓊方之莫如也使居明世亦可以鞭箠使哉

司經局洗馬梁儲兼翰林侍講兵科給事中王禎往封黎暉安南國王

新野縣地震有聲

癸巳陝西提學副使楊一清為太常寺少卿提督四夷館

己亥前巡撫遼東右副都御史張岫卒

安邑人成化二年進士

庚子巡撫薊州洪鍾議潮河川鑿渠築堰并立外閘從之

辛丑夜月犯畢宿

丁未裁宣府順聖川叅將

己酉令天下民壯十年編定

寇遼東長安等堡都指揮劉綱敗死

夜月犯內屏星

庚戌南京吏部尚書倪岳等上二十四事推行聖學豫節親
藩懲兇欺蔽甦息貧窮脩復常平類解文冊併省重複減省
供億暑掌印信稽核名實均平銓選照例附選湔滌過名既
通籌滯寬免違限慎用將官減省差遣禁約取索慎重刑獄

查明禁例申明舊例減造軍器量停造作遵復舊制裁抑侵
剋防革宿弊祛除民病懲戒奸貪章下所司
夜月犯太微垣次相星

壬子詔曰累歲以來灾星相仍近者清寧宮之火其變尤甚
朕心兢懼苦切淵冰意人事下乖斯天道上應或舉措違宜
刑賞靡當時弊滋積民隱莫伸或賦役頻繁侵漁太急用窮
鰥寡日不聊生朕深居九重雖慮周天下而耳目有未逮思
澤有未宣服念踰時益增悔艾已勅文武群臣同加脩省茲
特誕敷漁號普及黔黎俾履轉之區沾德惠庶慰渴懸之望

永祈眷祐之休所有寬恤事宜條列於後云云於戲虞書以
好生為德尚體天心夏訓以固本為言必先民事詔告天下

咸悉朕懷

前刑部吏徐珪以刑部主事陳鳳梧薦授桐鄉縣丞三年轉高唐州

判官歷贛州同知

羽林左衛帶俸署都指揮使許寧卒寧江都人正統末禦

自舍人官錦衣正千戶襲羽林左衛指揮使累戰功歷鎮延

綏大同米庄之敗降羽林左衛指揮同知結髮經百十七戰

被二十七創沉毅稱名將大同之役以代王促戰而敗議者

惜之贈都督僉事

癸丑祠故戶部尚書夏原吉工部尚書周忱於蘇州

甲寅祠故少保大學士楊溥於石首

王獻臣李春顏頤壽黃傳董鑰余庶聶賢閻潔葉永秀喬怒

蔡中孚王倬耿明彭鳳來王紹李鉞為監察御史

傳制封宸濠寧王拱楫瑞昌王宸泐弋陽王祐楨遂昌王聰

馮靈立王成鏃廣寧王陽鏢東阿王奇渴文城王奇瀆慶成

王

丁巳吏部左侍郎侶鍾為左都御史

是年命工部郎中陳琦作榮府於常德

己未弘治十二年

正月己右僉都御史顧佐為右副都御史

辛未工南郊

夜月犯井宿

癸酉昏刻月犯鬼宿積尸氣星

甲戌部院大計降斥千二百五十八人雜職千三百三人

辛巳嘉善大長公主薨 英宗女年五十三

乙酉行人常元慶為山西道監察御史

國子生江瑢以災異詆閣臣杜絕言路茹賢嫉能大學士劉

健李東陽疏辨下瑢鎮撫獄尋釋之

丁亥入涼州

庚寅錢塘岳華奏先臣岳飛墓侵於僧寺命理之

十八遼東錦州官軍擊斬百二十五級

二辛卯朔巡撫大同右僉都御史劉璫改大理寺左少卿

涼州副總兵都指揮僉事熊固為署都督僉事總兵官鎮守

延綏

壬辰旱災免濟南東昌青州去年夏稅有差

癸巳復婁遠侯柳景爵閑住

監察御史余濂請有司歲一行取從之

丙申太子少保禮部尚書兼文淵閣大學士李東陽禮部右侍郎兼翰林學士程敏政主禮闈

辛丑朶顏等三衛夷入遼東官軍迎擊斬百四十九級

癸卯寧夏地震有聲

戊申嚴左道惑衆之禁先是解州吏李寧云桃花洞得聚寶

蓋知州程觀信之第聞俱論死

漕運總兵郭鏞等申引沁水之議曹縣知縣鄒魯啟曰今為

引沁之說者蓋曰沁水勢緩非河北一入運河則有源之水

不竭不知引沁必先塞沁入黃河口處時沁水無歸勢必散

漫滄廬稼將俟下流通始塞水勢搏虛千里不折不至衝山

填壑不已害尤甚黃陵且起木鸞店至飛雲橋地以千里計

用夫百萬積十年尚未必成否又曹地西北高東南下蕪沙

土善崩勢或建甃而下張秋之鑿不遠矣

己酉周世子安瀆薨年三十一謚榮悼癸亥追封周王謚

曰悼

庚戌遼東官軍追敗三衛夷於寧遠斬四十四級

壬子四川建昌衛地震有聲

乙卯總督漕運右都御史李蕙卒

當塗人成化己丑進士才力優贍晚務和同傳陞損

陝西寧夏衛天鳴

丁巳戶科給事中華景奏考官程敏政驚題貢士江陰徐經

吳縣唐寅賄得之特命正考李東陽覆閱至三月二日放榜

尋下華景及徐經唐寅於獄

戊午文武職旁支襲蔭通降法初武職或疎族贅壻冒蔭成

化十七年都御史何喬新止許的裔至是兵部稱未便惟通

降如指揮降百戶正千戶降試百戶百戶降冠帶總旗一輩

後止襲總旗

前南京兵部右侍郎虞瑛卒

縉雲人天順八年進士授刑科給事中有浮競名晚更遺議

己未韓府通渭王徵鉞薨年四十九謚榮靖

三月申朔辛酉湖廣按察使吳雄為應天府尹

壬戌巡撫宣府右副都御史馮中錫予告

癸亥十八遼東開原

甲子十八遼東寧遠

乙丑山東左布政使雍泰為右副都御史巡撫宣府
丙寅下給事中華景及徐經唐寅獄

己巳巡撫南贛右副都御史金澤改江西

辛未署禮部左侍郎賈斌為尚書仍署鴻臚寺

壬申金星晝見

癸酉命勳臣禱雨

甲戌廷策貢士倫文叙等三百人賜倫文叙等進士及第出

身有差

韓府懷城王微鉅薨年五十八謚宣惠

丁酉入宣府萬全右衛

乙亥旌韓府輔國將軍微鐸孝行

丁卯宣府官軍擊斬五十九級

丙子緡王祐禕之國青州

己卯汝王祐楫婚

庚辰南京金星晝見

癸未祠故少師大學士楊士奇於泰和

甲申河南左布政使徐鏞為右副都御史總督漕運兼巡撫

鳳陽

孟密宣撫司土舍思楛孟養宣慰司土舍思陸仇殺兵備副使趙炯左叅政毛科各鐫級

曉刻月犯壘壁陣東星

乙酉熊岡罷王親例不鎮守陝西都督同知陳瑛改鎮延綏

己丑前南京刑部左侍郎阮勤卒勤安南多翼人僑籍山西

長子景泰甲戌進士授南京大理評事遷寺副守台州民甚

愛之性清慎歷官四十餘年如一日賜祭塋

四朝外劉忠服除補翰林侍講

內臺官求錦衣衛餘丁百人洒掃戶部以內臺禁密非外人

出入止之

惠安伯張偉鎮守陝西

趙時春日總兵官洪武即有此號蓋大將元帥職也於兵

亡所不統給將軍印以便征伐陝西惟為鎮守不給印以

侯伯都督為之逮總兵出鎮猥多侯伯少習邊而武臣以

勛闕致位都督者蓋鮮乃往以積勞推薦指揮假以署

都督僉事之號而充總兵故人微位重鮮勝任者而縉紳

視之益輕矣

癸巳趙繼爵陳熙董振俞諫陳順吳玘劉烈羅璋陸徽呂鏜

為南京監察御史

連寇遼東寧遠義州廣寧

甲午田州頭目黃驥李蠻叛土知府岑猛構兵思恩土知府

岑濬攻據舊田州大殺掠

丁酉季春耿明彭鳳來王紹李鉞蔡中孚為監察御史

戊戌初古田猴獍作亂襲殺叅將 叅議 至是寇洛

容永福臨桂西鄉下總督撫諭否則進兵

許州大雨雹

壬寅四川小河子禦千戶所地震有聲

乙巳前禮部儀制司主事楊循吉乞復建文君尊號如 景

皇帝故事下禮部循吉敏洽工古文詞居曹事簡好讀書乞

改教官便養不許遂致仕年僅三十居十二年上書 部 下 禮

丙午 數寇遼東瀋陽等堡

己酉尚衣太監秦文往南京織幣請長蘆鹽五萬引戶部爭

之命給二萬引其三萬引准淮鹽

入遼東鉄嶺衛

庚戌翰林檢討王選柯拱北為榮府左右長史

旱災免南安贛瑞昌吉安建昌廣信去年田租有差

辛亥禮部右侍郎程敏政下獄工科都給事中林廷玉以同
考官言敏政在闈可疑者六遂命廷鞠

壬子入大同左衛

癸丑復緝謙都督同知

乙卯洮州衛地震有聲

五 癸亥祀故宋太子少保趙抃於衢州

前巡撫寧夏右副都御史孫仁卒新淦人成化五年進士居官嚴厲頗乏寬容

入大同

丙寅宜章臨武盜江欽蘇瑛等伏誅

庚午昏刻月犯罰星

壬申旱雹免陝西去年田租有差

昏刻月犯天江星

乙亥曉刻木星犯壘壁陣四星

戊寅水灾免鳳陽淮安去年田租二十七萬四千六百四十

八石有奇

朔州天鳴白氣上騰隕石

庚辰代府潞城王成鏞薨年四十六謚榮安

辛巳予告湖廣按察使林俊養親辭廣東右布政使

六月丑朔土魯番人貢請歸貢使馮亦滿速兒等百八十一人
從之賜衣服

罷程敏政謫華泉南京太僕寺主簿林廷玉海州判官徐經
唐寅除名經購敏政家人得試目以語同年寅事泄

辛卯四川寧番衛地震

壬辰前禮部右侍郎兼翰林學士程敏政卒敏政字克勤休
寧人蚤慧薦神童隸翰林成化丙戌進士及第授編修進侍
講歷左諭德少詹事太常寺卿少擅文名及躋侍從附權結
援急於進取時多譏之主考實未嘗私以觀代者族華泉言

之遂恚死所著灑賢奏對錄新安文獻志詠史詩宋遺民錄
篋墩稿文衡等書贈禮部尚書賜祭葬

談遷曰程克勤博洽傾一時名塞寓內晚遭去垢因服對
簿聞者不察輒來簠簋之疑及按國史更多刺譏文人涼

德徃、然耶

癸巳庚吉士許天錫為吏科給事中

四川小河守禦千戶所地震聲如雷

戊戌禮部左侍郎傅瀚兼翰林學士署詹事府

己亥前制勅房太常寺卿龍暹卒 宜春人

都勻殘賊作亂
癸卯禮部右侍郎張昇為左侍郎太常寺少卿兼翰林院侍
講學士焦芳為禮部右侍郎
故普安州土官隆暢妾米魯通營長阿保殺其庶子欲自襲
職上官弗許且見罪遂作亂

甲辰夜闕里先師廟災

戊申入永平之葦子谷

己酉占城國王古來奏安南侵新州港請及臣預封子沙古
卜洛守國廷議父在不得封遂立為世子攝國事

庚戌司經局洗馬楊傑卒年及人成化十四年進士

七甲子寧王宸濠乞詣闕謝恩止之

戊辰犯甘州莊浪

昏刻客星見天市垣宗星旁

己巳犯遼東廣寧衛

丁連寇宣府入新河口等堡又入大同西路

庚午傳陞太醫院使王玉右通政

辛未曉刻金星犯鬼宿

甲戌曉刻南京見火星入月

丙子昏刻客星至紫微垣少宰星旁

丁丑前巡撫寧夏右副都御史韓文卒保定新城人天順元年進士

昏刻客星入紫微垣尚書星旁

戊寅前南京大理寺卿宋欽卒乾州人正統十年進士以熹

夜客星入紫微垣太子星旁漸微慎稱

己卯雍王祐樞當辭陵以疾欲免命強往

太常寺少卿兼翰林侍讀學士李傑往闕里祭慰

夜客星在紫微垣后星旁

庚辰戶部右侍郎李孟賜催督漕運以雍王行恐妨漕

太僕寺卿宋琮卒隴西人成化十四年進士

前南京前府都督僉事都勝卒世南京左衛指揮僉事居官

甲申昏刻客星入紫微垣少輔星旁漸消熹慎

乙酉南京刑部右侍郎熊懷致仕

丁亥昏刻客星出紫微垣西藩外

八月丑巡撫江西右副都御史金澤為南京刑部右侍郎

夜客星滅

庚寅金星晝見

辛卯撒馬兒罕頭目苦力干等入貢

壬辰南京壽星見

癸巳廣東左布政使韓邦問為左副都御史巡撫江西

甲午南京兵部尚書張悅致仕進太子少保

連府蘄水王豪壘薨年五十六謚安穆

夜月犯天江北星

己亥雍王祐楹之國

南京吏部尚書倪岳改南京兵部尚書

辛丑前南京刑部尚書鄭時卒時舒城人景泰甲戌進士授

御史歷守延平福州居官廉慎親喪廬墓三年年七十七贈

太子少保賜祭塋

旱災免彰德夏稅二萬七百五十石有奇

壬寅夜月犯火星

甲辰秦府鄧陽王誠澮薨年四十四謚悼安

吏部右侍郎秦民悅為南京吏部尚書

丁未入遼東瀋陽中衛

夜月犯天圜星

丁未起謝鐸署國子監事禮部右侍郎林瀚改吏部右侍郎

己酉增設九江安慶池州建陽兵備副使

夜月犯井宿

辛亥廣西陸川縣地震聲如雷乙卯又數震

壬子前南京國子祭酒謝鐸為禮部右侍郎署國子監事翰

林院檢討毛紀為脩撰

夜大星自文昌流至近濁

乙卯總督漕運右副都御史徐鏞卒與國人成化己丑進士授行人擢御史言事請

知鎮原救荒弭盜政閭中

九戌午朔入寧夏蔣鼎等僅

庚申南京兵部右侍郎張敷華為右都御史總督漕運兼巡

撫鳳陽

初泰寧等三衛夷訴邊臣誘殺蓋遼東都指揮魯勳王璽誘

入邊給鹽米乘醉斬二百六十級他堡亦然勅右副都御史

顧佐往覈

辛酉有星如月墜廣東海南衛

壬戌錦衣衛都指揮同知李珍卒洛陽人太監榮從子謙厚

癸亥追封故鄭世子見滋鄭王謚曰僖

永城縣天鼓鳴

甲子右副都御史黎福為南京兵部右侍郎

丙寅留雲南降級左叅政毛科仍撫夷人

戊辰前少師兼太子太師吏部尚書華蓋殿大學士徐溥卒
溥字時用宜興人景泰甲戌進士及第授編脩歷吏部左侍
郎直閣日事納約登賢器使宏量善察在弘治朝用意忠厚
一二薦引稍涉情徇譏議遂生年七十二贈太師謚文靖

廖道南曰觀李文正年譜弘治間所上章疏皆出其手而
溥能用之及讀國史稱溥立朝四十餘年因事納約隨才
器使屢遇大獄保全善類從容委曲溫易寬裕乃知曹參
丙吉雖不踰於陳平魏相而培養國家元氣又不在彼而

在此也十八年之治固有繇哉

入陽和

甲戌監察御史燕忠等言 皇上即位初革傳陞文官五百

六十四人今六年間傳陞至五百四十餘人末流之弊尚不
止此請悉行簡汰報聞

乙亥夜月犯六諸王星

丁丑降寧府石城王宸淳輔國將軍宸潤為庶人俱淫暴不
法

己卯重慶大長公主薨 英宗女下嫁駙馬都尉周景年五

十四

庚辰刑部右侍郎陳道為左侍郎巡撫山東右副都御史何鑑為刑部右侍郎

甲申重作清寧宮成

乙酉陝西左布政使王儼為右副都御史巡撫山東

丙戌大學士劉健等以奉旨擬票自書封進母代寫誠為秘

密臣等不善楷其事理重大即自書餘容代寫仍如祖宗故

事或面諭或御批或眾傳使有所遵奉上納之

前南京吏部驗封郎中莊景卒景江浦人成化丙戌進士授

檢討與章懋元夕應制謫行人司副隱居定山垂三十年起

官進秩病風引去卒天啟初追謚文節

林之盛曰定山先生蚤有盛名不求仕進束身修德儼然

為學者師表晚迫丘文莊之吏議以出遂浮沉郎署間不

盡究其道德之用而猥以詩名夫崇獎恬讓朝廷所以風

其有德盡瘁鞠躬臣子所以報君父斯舉也兩失之云

袁宏曰世稱莊定山豪邁胸中多奇早以忠諫著聲能取

友當世老而赴召樞塞以去不出可也

十胡子傳制封俊林代王宇滬西野王

少詹事兼翰林院侍讀學士王鏊歸省

詹督工太監李興黃瓚姪訓英國公張懋兵部尚書馬文升
俱錦衣百戶工部尚書徐貫進太子太保科道言其濫不聽
庚寅夜星隕鳳翔

辛卯吏部右侍郎林瀚為左侍郎戶部右侍郎韓文改吏部
右侍郎

鎮守廣西副總兵都指揮使歐璿進都督僉事

壬辰傳陞道錄司右正一杜永祺等為高士

周府義陽王子圯薨年五十七謚康靖

戊戌翰林檢討郭瑀王未為申府左右長史

丁犯甘州

庚子刑科給事中吳世忠上八事曰加孔子文祖大成至聖

帝曰顏無繇曾點孔鯉侑於聖殿曰十哲去子張進有后兩

廡去公孫龍公伯寮荀況王弼馬融范甯曰祀謝良佐尹焞

呂大臨游酢蔡元定羅從彥李侂陸九淵黃幹陳淳張洽魏

了翁何基王柏劉日吳與弼薛瑄於御曰文廟曰教習樂舞

曰起謝鐸張元禎陳獻章周瑛呂王恕戴珊劉大夏何喬新

曰慎選學官沙汰諸生章下所司

壬寅夜犯天高又犯六諸王星

丁未旱灾免真定保定河間田租有差

上虞張津上兵略三十卷送兩廣總鎮叅謀

寧夏地震

戊申以新宮命大能仁寺灌頂國師那卜堅然等設壇慶讚

大學士劉健等言宮禁嚴密豈可使胡羯邪妄之徒群行喧

雜祖宗法度一旦蕩然其累聖德不小不聽

壬子延平府教授徐彰請祀宋儒羅從彥於江西李侗於延

平從之

刑部主事鄭岳下獄先是主事童天錫同錦衣千戶張福論

因爭坐岳請凡勤事復命先御史主事次千戶復舊制

上怒下岳鎮撫獄贖還職

曉刻水星犯房宿

癸丑水旱免福泉興化延平田租有差

丙辰瓜哇國王入貢

十月己未前禮部右侍郎兼翰林學士汪諧卒諧仁和人舉北

榜竄籍被斥復舉浙榜天順庚辰進士館選授編脩進修撰

歷右諭德庶子少詹事諧儀度整潔晚益慎密不究於用

安南國世子黎暉入貢
乙丑太皇太后還居清寧宮初暫居仁壽宮前殿

丁未入寧夏殺百戶

丙寅昌黎縣地震聲如雷

壬申福建泰寧縣地震

甲戌廣西流盜入甯慶長沙武岡新寧

乙亥漕運總兵官都督僉事郭鉉進都督同知

戊寅傳陞御用監辦鴻臚寺右少卿李綸為太僕寺少卿寺

丞周惠疇萬隆為少卿餘鴻臚寺丞序班錦衣千百戶鎮撫

工部營繕所所丞文思院副使皮作局副使

夜月犯上相星

己卯初壽王之國承奉宋祥趙鳳等道橫索錢毆臨清兵

備副使陳璧事聞遠祥鳳論罪調長史王春參議

庚辰初朶顏三衛入寇遼東議都督孫貴率京兵五千往兵

科給事中李宣等言兵不可發有三且貴非統御才遂止師

壬午傳陞錦衣衛帶俸指揮使孫莞南鎮撫司事

丁未犯遼東寧遠

癸未安南國真臘國遣使俱風漂至廣東命贖而歸之

十 辰丙戌朔襄陵縣地震

丁亥科道論傳陞之獎文職則少卿寺丞等官武職則指揮千戶等官夫士子砥礪名節武人衝冒矢石積以歲月始得一階今雜流末藝乃坐而得之文武之士孰不解體上不

納

戊子命戶部司官督長安四門倉糧

己丑雲南府地震

庚寅吏部尚書屠滂等乞盡汰傳陞官七百九十餘人不允
癸巳前南京大理寺卿夏時正卒時正字季島仁和人正統

乙丑進士授刑部主事歷郎中多平反進大理寺丞少卿改

南京太常少卿大理卿嘗巡視江西勸賑發帑裁冗役數萬

人斥貪墨二百餘人築南昌豐城隄岫皆永利尋致仕年五十九博學有才好著述詳於稽核卒年八十八日猶蠅頭書

校讎不輟賜祭塋

甲午陝西秦州地震

丙申莊浪左叅將都指揮僉事魯麟言西番巴沙等十三族侵掠請討兵部以熟番第驅之

壬寅犯永昌涼州

己巳傳陞內府織染局供奉錦衣衛鎮撫徐綱沈讓為百戶
金吾右衛百戶劉濬為副千戶匠役金泉等二十四人俱文
思院副使李阿保等二十三人俱皮作局副使
吏科給事中許天錫請補建陽被火書板從之
丁未犯遼東義州

曉刻月祀亢宿

戊申犯大同左衛

己酉兵部主事李源黃清按閱遼東陝西馬牧

庚戌程繼祖龔翰林五經博士程順十八代孫

辛亥戶部尚書周經等言宗室勲戚莊田俱徵銀三分昨

張鶴齡徵銀五分恐效尤未便不聽肅寧等縣賜庄田四百

兵科給事中張弘至言登極之初革傳奉官五百餘員近年

獲復舉行異初政一也登極之初逆番僧佛子斬妖僧近年

齋醮不絕異初政二也登極之初去萬安李裕朝彈夕斥近

年禮部尚書徐瓊等被劾不斷異初政三也登極之初曰朕

有大政當召府部大臣面議近年未聞廷召異初政四也登

極之初撤添設鎮守燒造內臣近年漸復差遣異初政五也

登極之初左右不敢奏擾近年陳情乞恩異初政六也登極

之初兵部申明舊制令該科存記後此例乞陞者指奏近來
恩倖乞陞異初改七也登極之初光祿寺供應節約近年增
添輒借太倉銀異初改八也章下所司
甲寅巡撫寧夏右副都御史王珣言寧夏孤懸苦無水臣聞
有古渠三東為漢渠中為唐渠今見通水路惟西一渠逼山
下首尾三百里亦漢唐舊渠宜疏鑿引水下流築東岸積土
如山仍度要害建營堡置戍樓伏以邊陲請發內帑三萬并
借靈州五六年鹽課給其費從之
乙卯停糧茶先陝西饑暫中糧茶至是巡按監察御史王憲

以閔輔稍稔宜暫停異時兵荒當更圖之報可

庚申弘治十三年

正月戌昏刻火星犯天陰南星

乙丑上南郊

丁卯工部尚書徐貫等請停織作不允

戊辰右副都御史顧佐還自遼東都指揮魯勳王璽魯麟各

鐫級勅責總兵官李杲太監任良都御史張玉

夜月犯鬼宿

丙子時尚衣監太監趙榮監督通州倉戶部尚書周經等執
論命止設總督二京通監督三著為令

己卯祀宋永新節婦趙氏氏宗室女元兵至避縣學舍并子
遇害血漬禮殿磚上宛然抱嬰兒狀磨殿益顯

錦衣百戶陶荆民為副千戶世襲陶魯子

二月酉朔梧州知府張吉為廣西按察副使整饬府江兵備江

盜藪吉推誠教吏卒射金其的中者與之

又臆製鴛鴦銃偏架弩按部數月盜息

禮部火
崇王見澤乞歸德黃河退灘地二十餘里戶部執爭事下撫

按覈之

戊子旱災免大同去年田租

己丑水災免鳳陽淮安揚徐去年田租有差

庚寅脩問刑條例法司議二百九十七條著為令

昏刻月犯六諸王星

壬辰鍾陵王覲雖善騎射上章求備行間自效不許

乙未命大德顯靈宮祈醮三日禮科給事中于瑁乞止之不

聽

御史戈福請申旌舉連坐之法從之

己亥 英廟恭妃劉氏薨謚昭靜
入陝西紅山官軍擊斬十級

己刻 白虹彌天

歸養翰林檢討陳獻章卒獻章字公甫新會人正統丁卯貢
士再下第絕意進取其學專超悟不主故常嘗曰學苟明道
六經皆我註脚成化癸卯薦入朝授檢討乞終養不拜學者
稱白沙先生謚文恭萬曆中從祀孔廟

伍袁萃曰白沙謂美內監事跡曖昧殆必不然若張蓋列
槩無復故態則衆所共覩非誣之也張東白當時名臣豈

無確據輕載實錄頃禮部會議覆奏不許從祀見及此矣
執政以密揭回請此輿論所由不滿與

庚子 下河南府葺宋儒程顥程頤墓祠量給田土守戶

壬寅 盜掠襄陽安陸

甲辰 廣西撞賊入平樂之魏橋殺推官吳景暉

乙巳 南京壽星見

丁未 翰林編修兼司經局校書靳貴為右春坊右中允

三 丙辰 給總督京通倉場太監蔡用條印

甲子 故西天佛子著奴領占造塔工部疏止不聽

乙丑四川平茶峒長官司吏目許瀚上四事正韻學別定字

三母三十四通利運灣大通橋張象抑奢侈處邊務章下所司

巡撫河南都御史鄭齡奏修丁家口上下河決隄岸從之

己巳署禮部左侍郎元守直為尚書仍署通政司事

丙子淇縣大水雹壞畜麥

曉刻月犯十二諸國代星

興化泉州地震

己卯前右副都御史陳紀卒閩人成化五年進士館選授御

壬午琉球國中山王尚真入貢

癸未寧夏衛地震

四 丁亥始補貴州右布政使

己丑泉漳地震有聲

癸巳連東太監任良總兵李杲巡撫都御史張玉以殺降免

進士徐蕃為南京禮科給事中

濮州暴雨雹傷廬稼

甲午羣見室宿

丙申南京金星晝見

己亥通政司右通政陳瑤為左僉都御史巡撫連東

定西侯蔣驥為征前將軍總兵官鎮守遼東

夜月食

堊見空壁間芒尺餘

庚子火節魁大同大殺掠丙午出塞游擊將軍張俊禦之東
荆庄敵三萬騎來攻力戰而中天不退副總兵馬昇等逗留

多失亡上聞俊勇先給賞後升都督僉事

癸卯薊州及肅寧藁城棗強清豐大雨雹

初八大同威遠游擊將軍王杲等禦之敗績命吏科給事

中許天錫往按之

乙巳平江伯陳銳為靖江將軍總兵官戶部左侍郎許進兼

左僉都御史提督軍務太監金輔監軍都督劉寧副總兵楊

玉左叅將太監姚舉監槍往大同禦

太原天鳴金木二星晝見堊長三尺餘

丁未增陝西按察副使整飭環慶等兵備兼理鹽法

戊申翰林院侍讀學士張元禎為學士

後府署都督僉事阮興總兵官鎮守薊州永平山海

巳酉學府宜春王宸滄薨年二十七謚康僖

壬子上御平臺召閣臣議備邊及京營將帥是日遂安伯
陳韶成山伯

王鏞寧晉伯劉福俱辭京營

癸丑酉刻雨雷夜火金木星聚東井

五甲寅朔日食夜堊掃文昌

丙辰太子太保工部尚書徐晉致仕

保國公朱暉太子太保鎮遠侯顧溥提督三千營仍提督團

營惠安伯張偉提督神機營太傅兼太子太傅新寧伯譚祐

專督神機營上御平臺復召閣臣手定

丁巳鴻臚寺卿張俊加禮部右侍郎

戊午旌寧海王三苟妻陳小奴貞烈三苟僑臨海正統五年

採薪羅虎患小奴追擊虎以三苟歸死孀居里豪郭子素迫

娶詭服除設祭給二男出抱幼女投姜岩潭

己未山西行都司都指揮使張安為署都督僉事征西將軍

總兵官鎮守延綏

太子太保刑部尚書白昂致仕

寧夏地震

癸亥南京監察御史歲三人仍同工部官權杭州荊州太平

竹木

甲子延綏龍川城雨雹傷稼

乙丑南京兵部右侍郎黎福致仕

火篩寇大同威遠平井坪陽和天城順聖川應朔山陰馬

邑渾源蔚州廣昌皆被掠

丙寅太子少保左都御史閔珪為刑部尚書工部左侍郎曾

鑑為尚書

東寧伯焦俊為平蠻將軍總兵官鎮守湖廣恭順侯吳鑑鎮

守陝西

丁卯府部大臣工脩省十事早視朝勤聽政汰冗員節財

力省差遣處莊田清鹽法申禁例脩武備壯軍容恤官軍止

織造惜邊民停改造減供應斥異端儆驕惰防詐偽上綱

之

夜彗歷紫微星漸微

戊辰太子少保戶禮部尚書周經徐瓊並致仕傳旨太子太

保刑工部尚書白昂徐貫及經瓊並進太子太傅

庚午豐潤伯曹愷鎮守貴州

靈璧縣地震聲如雷

朔州暴雨雹傷人稼

壬申巡撫四川右副都御史鍾蕃為南京兵部右侍郎南京

左僉都御史陳璜改左僉都御史

己亥工部右侍郎史琳為左侍郎巡撫陝西右副都御史熊

翀為兵部右侍郎太僕寺少卿劉纓為右僉都御史巡撫四

川

署詹事府事禮部左侍郎傅瀚為禮部尚書

丙子湖廣按察使林俊為南京右僉都御史

戊寅少詹事王鏊入朝

己卯左都御史侶鍾為戶部尚書

庚辰巡撫甘肅右副都御史周季麟改陝西

太子太傅吏部尚書屠滸致仕

黃溥曰初彗見紫微垣掃五尚書白昂徐貫周經徐瓊屠

滸五尚書之應不爽如此孰謂天道遠而不可稽耶

辛巳夜彗入紫微垣近女史六月丁酉滅

六朔未朔宣府游擊將軍都指揮同知張俊為都督僉事

甲申水旱免吉安去年田租六十萬一千五百十五石

犯宣府西陽河攻固諸堡官兵拒卻之

分守監宣府北路內官唐祿請於沿邊築鑿墩塹言曰禦邊

莫先設險蔽險在於添墩欲於沿邊里築一墩配七卒鑿

塹以阻侵軼墩脩火石以事狙擊役夫二萬期功七年可成也兵部尚書馬文升給事中蔚春交論之以為不可文升曰禦戎之道在於士馬精強將帥謀勇脩邊之役止遏鼠竊而已宣鎮連值多事行伍疲敝正宜休養以作戰氣忽遽興此大工不惟人心嗟怨恐有他虞春日若擁衆山墩七卒必不能敵且邊地風沙縱使掘完塹溝亦恐易為漫沒又本鎮游兵不踰三千而欲役夫三萬期功七年非惟無益害則隨之

宣府志曰馬蔚二公之論欲休養士卒培植元氣誠上畫

也然勝負之勢難定於平時利害之機多眩於微忽戰屢

經則兵疲警疊至則農廢平臣之斃楚隋氏之亡陳足為

鑒也而可盡廢形險顯言攻擊耶是故周亞夫屯軍之勇

而不廢晁錯賈塞之謀嘉衛青六師之功而不廢徐日為

築邊之遺漢之文武非得禦侮之要經者耶

九酒再選京營兵五千人起都督僉事神英都督同知李俊

操習備征

丁亥山西右布政使劉璋為右副都御史巡撫甘肅

延綏作戰車刀械

堃連犯尚書星

戊子勅襄城伯李廓飭備紫荆倒馬龍泉三關以上部左侍

郎兼左僉都御史史琳經略之命都督僉事李澄張晟各分

戍密雲潮河川古北口大水谷及居庸關黃花鎮白羊口兵

部左侍郎王宗彛兼左僉都御史經略密雲潮河川古北口

大水谷

南京右僉都御史林俊兼督操江

辛卯復命署都指揮僉事劉全守備臨清以地衝不耳裁

壬辰工部左侍郎史琳兼左僉都御史經略紫荆倒馬等關

邊備

癸巳滎河縣地震聲如雷

甲午南京兵部尚書倪岳改吏部尚書南京刑部尚書戴珊

改左都御史南京右都御史翟瑄改南京刑部尚書加兵部

尚書馮文升少傅兼太子太傅

翰林侍讀江濶劉機為侍讀學士侍講武衛張芮為侍講學

士右春坊右中允張天瑞為左春坊左庶子

前南京吏部右侍郎王克復卒

福清人天順元年進士授刑部主事歷官以勤慎稱

乙未總督兩廣軍務左都御史鄧廷瓚卒廷瓚字宗器巴陵

人景泰甲戌進士令淳安九載遷太僕寺丞守程蕃績益著擢山東左叅政歷右副都御史撫貴州征黑苗功雖偉而紀律不嚴人不能無議云贈太子少保謚襄敏

廖道南曰廷瓚性不喜脩飾自為知縣至知府淹於常調者餘二十年人罕知之其後程蕃之績久而益著其征貴州功雖偉而紀律不嚴部下多妄殺冒功者人不能無議云又聞為方伯時善醫雖小吏有疾必親診視及為中丞時又善奕雖士知奕者略岸與之奕以是周知閭里俗尚蠻徽要害嗟乎以若人而置之今日其不為衆詆者幾希其

矣古道之難也

郭子章曰鄧宗器為淳安令九年而始為程蕃府又九年

而始為山東叅政令一除貴州輒遷、不來臨來輒快、

思去視若地獄鬼國不可一日居者故若宗器者毋問其

他即十年守令亦可謂居易君子矣

教入大同滅胡墩平江伯陳銳在軍不敢前、飽掠去

丁酉監察御史胡希顏上邊務六事舉將才文臣楊一清王

源姜漢朱足兵食信賞罰募民兵贖罪囚選健馬下兵部暨陳珍武臣時

鐘魏鎮戊戌提督軍務戶部左侍郎許進等師久無功下兵部議處

辛亥兵部右侍郎楊謙卒

儀封人成化五年進士歷官盡職未嘗近名亦名隨之

七月己大理寺左少卿王鑑之為左僉都御史經略紫荆等關

己未太子少保刑部尚書閔珪進太子太保

兵科給事中熊偉請各邊募土兵事寧之日還農從之

辛酉吏部右侍郎韓文熊紳為左侍郎少詹事兼侍讀學

士王鏊巡撫延綏右副都御史熊繡光祿寺卿李鑑為吏兵

工部右侍郎

癸亥前戶部左侍郎劉大夏為右都御史總督兩廣軍務兼

巡撫

乙丑提督軍務戶部左侍郎兼左僉都御史許進入朝辭憲

職

丙寅太僕寺少卿王珩為光祿寺卿

丁卯入遼東美州松山

己巳夜京師地震有聲

庚午罷許進陳銳劉寧俱劾免

故事中貴子弟從軍留帳下報功進編入行間賈怨

此退襄城伯李廓入朝

辛未朱舉襲翰林五經博士朱熹十一世孫

癸酉南京戶部尚書梁璟致仕

丙子戶部右侍郎李孟賜為左侍郎巡撫山東右副都御史
王儼為戶部右侍郎
巡撫陝西右副都御史熊翀上玉璽鄆縣人毛志學浴於河
得玉璽受命於天既壽永昌厚一寸方圓尺有四寸謂秦璽
禮部尚書傅瀚等以秦璽驗鞅耕錄模刻篆文不合疑偽姑
藏內府賞志學五金

沈德符曰秦璽正字即雍州所謂監田玉者止六寸若元
楊桓所上亦止四寸耳今乃大至一尺四寸真偽不待辨
聖王之明察禮臣之持正勝宋元符唐臣萬矣

丁丑南京工部尚書蕭禎致仕

我曠大理寺卿王軾為南京戶部尚書

陝西莊浪衛天鼓鳴

己卯南京工部右侍郎沈暉致仕

庚辰湖廣左布政使徐源為右副都御史巡撫山東貴州左
布政使張撫為南京太僕寺卿

辛巳撤雲南貴州清戎監察御史

壬午南京禮部左侍郎董越為南京工部尚書南京大理寺
卿楊守隨改大理寺卿

八甲申四川番賊入掠松潘

丙戌岷王膺鉅費年五十一謚曰簡

丁亥太常寺少卿兼翰林侍讀學士李傑為南京禮部右侍

郎巡撫保定右副都御史高銓為南京工部右侍郎

戊子總督南京糧儲右副都御史陳瓊卒進士太原人成化八年

京師雨雹

庚寅進士牧相為南京兵科給事中

辛卯賑南安水災

壬辰前工部右侍郎張頤卒太原人天順四年進士館選授

撫宣府平居持論侃、求外

提督河道右通政張縉為右僉都御史巡撫保定兼提督紫

荊等關

癸巳夜廣西融縣有流星長丈餘大如箕

丙申廢周府義寧王安浚奪爵廢平樂王安浚為庶人徙高

墻安浚安浚俱淫逆罪在不赦

夜月犯壘壁陣東星

丁酉夜南京壽星見

己亥雲南木邦等作亂

甲辰光州地震有聲

丙午夜兩電

丁未復作余子俊所製戰車

戊甲昏刻木星犯壘壁陣東星

庚戌貴州安南衛地三震聲如雷

九壬子朔陝西肅州衛廣東欽州地震

癸丑廣東官軍平翁源等縣流盜初福建盜破翁源保昌殺

保昌主簿黃普卹其家

丙辰刑部左侍郎陳道為南京右都御史

丁巳設寧夏靈州官吏隸陝西布政司

庚申兵部右侍郎兼左僉都御史王宗彛為右都御史仍經

略叅雲潮河川等邊務

刑部右侍郎何鑑為左侍郎巡撫雲南右副都御史李士實

為刑部右侍郎

壬戌雨雹

甲子旱災免保定夏稅有差

丙寅工部左侍郎熊獅改兵部左侍郎

江西雲南左布政使葉贄陳金為右副都御史贄總督南京

糧儲金巡撫雲南翰林院編修蔣冕傅珪兼司經局校書

戊辰行人王雄請雲南浪穹縣丞雄上言克敵之要在將得其人此者曾前不選任而用陳銳今奈何復用朱暉也夫當樞臣會議獨以銳首 陛下亦信而任之乃其效若此矣臣不審昔所議者何事毋亦以為循故事耶抑試之也語曰前車覆後車鑒彼朱暉者素不更事豈遽出陳銳上哉且惟豪杰能知豪杰攷之前史舉韓信者蕭何舉謝玄者謝安舉高崇文者杜黃裳彼漢晉唐之君雖未知韓信謝玄高崇文為人而於蕭何謝安杜黃裳亦既知之矣故於所舉信而不疑也今陛下即未真知朱暉為人也果能知舉之者無媿於蕭何謝安杜黃裳則可若曰未也是可不以陳銳為前車哉臣愚以為莫若於邊方總督中選任夫邊方都督生長北邊結髮與匈奴戰其間固有習知 情能出奇制勝者特為主將所拘束否則監督與提督牽制之雖謀略無所施耳固不可謂將才盡遜於古也今暉雖受命願及其未發止之責前舉陳銳欺罔之罪然後大會廷臣選邊方都督中任以大將勿置監督提督以撓其權蓋今監督提督即唐觀軍容使與

監軍也以郭子儀李光弼將略而魚朝恩為使則九節度之
師潰於相州矧其下者願會陛下永鑒前事慎擇專任毋徒
以國事為常天下幸甚上以雄妄言阻軍下錦衣獄遠謫
已巳壽州及太康縣地震有聲
庚午工部右侍郎李錡為左侍郎南京光祿寺卿張達為右
侍郎

辛未定教官不許賚進表箋

壬申昏刻南京有大星自室宿流天梧三小星隨之

癸酉鎮守湖廣總兵官東寧伯焦俊卒俊少高販嗣兄爵謙

和十士雖將略非祈長獲以功名終

乙亥曉刻月犯軒轅星

成寅翰林編修兼司經局校書吳儼為左中允仍直東宮

十戊子司禮太監 閱京營程藝

丙申曉刻月食月犯天街星

丁酉傳制封秉樸秦王秉樞宜川王恩鈞沅陵王恩鈞松滋

王恩銑宜城王真泓淳化王俊楫博野王安法永寧王安淇

原武王安泥河清王表捷襄陰王祐權徽世子祐椀景寧王

旭林隴西王旭桢寧遠王

庚子水灾免徐州蕭碭田租有差

甲辰司經局校書兼翰林侍講梁儲為學士

乙巳黔國公沐崑以孟養思陸越金沙江侵孟密蠻莫章貢

等地木邦宣慰罕列年幼意同思陸報孟密欲發兵討之畫

三策上策調土溪兵以送夷里二子還復故土為名分思陸

之勢一進蠻倫一進南牙山一進結養中策分三道攻其東

調孟密平緬自密都攻其西軍取聽蓋諸地下策防守無諭

一上用其下策

丙午命宗籙廟樂從國初舊制初寧王宸濠請廟用樂舞下

禮部以洪武元年王國樂章迎神大清初獻壽清亞獻豫清

終獻熙清徹饌雍清送神安清今有曲無其辭至是請江王

長史上其辭頒於諸王

南京鴻臚寺卿陳壽為右僉都御史巡撫延綏

戊申楚府江夏王均錡薨年三十九謚安惠

裁鳳陽廣濟鈔關

金星晝見

夜兩京鳳陽地震

十月己未裁南京羽林右衛養虎倉

十 曉刻金星犯罰星

辛酉召還防守密雲都督僉事李澄

昏刻月犯六諸王星夜犯天囷星

壬戌免雲南判山窩村廣運齊泉四場銀課

癸亥連府湘陰王豪蠲免年六十四謚康懿

致仕知府邳州袁清召赴大同贊畫御史曹玉薦其知兵進清

士

乙丑入馬蘭谷

永康侯徐錡為平蠻將軍總兵官鎮守湖廣

陝西鎮夷衛天鼓鳴

丙寅錦衣衛班鎮司^撫指揮僉事楊昇卒 涿人正千戶慎憲愿 慈持正頗平

丁卯夜月犯五諸侯星

己巳初各都司製兵械輸京俱貯九門城樓便關領後內官

監太監陳良收內庫恣科索至是解大刀萬五千五百兵部

請貯城樓不允

丁丑申嚴沿邊伐木之禁

經略右都御史王宗彝入朝

庚辰曉刻月犯工相星

十二癸未以復犯大同尋引去

甲申築紫荆關三里堡城

丙戌增山西副總兵駐代州提督三關改代州參將駐偏頭

關

辛卯前應天府尹于冕卒冕父少保謙詹府軍前衛副千戶

後戍龍門憲宗初復官改兵部員外郎歷禮部郎中南京

太僕少卿冕頗涉書史有幹局歷官能舉其職惜無子

鎮守兩廣伏羌伯毛銳進太子太保

癸巳進士王蓋許誥倪議徐仁張維新張元良為給事中

太原地震有聲

甲午翰林編修兼校書蔣冕為右春坊右中允

經略紫荆等關左僉都御史王鑑之入朝改大理寺左少卿

丙申召提督軍務右都御史史琳

丁酉傳陞署都指揮同知吳安為後府帶俸都督僉事

戶部署郎中事員外郎王登謫阿迷州同知登前疏擅擬將

官

戊戌覈大同失事逮總兵王璽戍鎮番衛巡撫都御史洪漢
開任副總兵馬昇右叅將秦恭游擊將軍王杲論死

辛丑榮府翰林檢討武舉服除改中書舍人
再寇大同縱掠百餘里諸將閉城不出得利去

壬寅瀋府連山王幼瑩薨年六十八謚宣穆

癸卯刑部郎中黃暉坐狎樂婦削籍顧謚閑住

乙巳犯薊州

丁未減光祿寺供應

兵科給事中戴銑請頒歷代名臣奏議從之

己酉上視朝稍遲以累日侍兩宮頗勞特諭閣臣

是年命提督織造太監韓義令蘇州及太倉織腰機細布六千匹

聖